

國

權

國

權

三

# 國權卷三十三

鹽官談遷孺木著

庚辰天順四年

正月朔朔庚辰虜李來犯延綏并兒坪。

癸未作輕車五百輛銃砲各三千。

丁亥上南郊。

太常寺卿李希安爲禮部右侍郎署寺事。

戊子前工部尙書謹身殿大學士高穀卒。穀字世用。揚之興化人。永樂乙未進士。選館授中書舍人。甲辰進右春坊司直郎。洪熙初進翰林侍講。正統初直經筵。戊午進侍講學士。乙丑進工部右侍郎兼侍講學士。直內閣。己巳留守。尋進工部尙書兼翰林學士。議迎駕。直千戶龔遂榮之獄。已進少保兼東閣大學士。壬申進太子太傅。巡災南京。救給事中林聰獄。丙子復兼謹身殿大學士。天順初辭宮銜致仕。性簡峻寡交。淳謹廉靜。工詩善書。晚歲不給。至爲里中童子師。有問正統景泰天順間事者。默不應。賜祭葬。贈太保諡文義。虜數萬寇榆林。總兵官彰武伯楊信禦之。虜復入。信分兵追至金雞嶺。擒十二人。斬三十五級。獲馬百匹。禮科給事中張寧等劾翰林學士呂原彭時林文劉定之等郊祀至西天門不下馬。宜付法司。上有之夜。月犯井宿。

辛卯南京工部左侍郎孟鑑卒。博野人。進士。

壬辰夜。月犯軒轅。

乙未。右都督過興爲征蠻將軍總兵官。鎮守廣西。己亥。敕諭入覲官。

夜。大星青白光。自中台流紫微西藩。

庚子。令巡撫甘肅右副都御史芮鈞奔母喪還任。

中軍帶俸都督同知杜清。故石亨戚也。以怨望下獄。降雲南都指揮同知。

豐潤伯曹義卒。義儀真人洪武末。襲燕山左衛指揮僉事。宣德五年。以湖廣署都指揮僉事。捕江西梅花峒賊。十年。以中軍都督僉事總兵官。鎮遼東。捕虜進左都督。天順初。封義廉介有守。號令嚴明。卒。繼室李氏自經殉之。詔旌之。贈義豐潤侯。諡莊武。

辛丑。許山東葛梳黃黑菽豆准米。

壬寅。定西侯蔣瓖。印馬山東河南受饒。逮下獄。奪祿一年。

左僉都御史程信。奏事不實。改南京太僕寺少卿。

前都督僉事任啓卒。

癸卯。錦衣衛指揮同知遼臬上言。忠國公石亨怨望益甚。其姪孫進士後。詐疾削籍。後與亨怨謗。造爲妖言曰。土木掌兵權。享有所愛都督同知杜清。其云土木。杜也。邇者光祿寺火。享曰。此天火。亨畜亡賴二十餘人。專伺朝廷。觀其心快快。且不軌。上曰。朕念亨微勞。犯罪累曲貸。乃怨謗生他望。其下錦衣獄。廷鞠之。

甲辰。籍石彪家。

乙巳。吏部大計。罷斥九百三十人。

籍石亨家及莊田之在渭南大同者。

丙午。左布政使賈銓梁榮蕭。順徐環李順。按察使劉孜。知府丘陵胡藩。知州張福。知縣張瑄。各賜錦衣一襲。鈔千貫。宴禮部。初。上諭李賢曰。觀官大集。旌異當如祖宗之典。故有是命。

二月。轅朔。己酉。興安侯徐亨卒。亨嗣爵。宣德丁未。從征交趾。正統甲子。征遼北。功進封侯。鎮守陝西。日費十二金。民頗苦之。賜祭葬。諡武襄。

庚戌。廣西撞賊流劫永州。陷桃川。枇杷二千戶所。永明江華二縣。

辛亥。敕諭文武羣臣。以石亨爲戒。

壬子。盜陷梧州。

癸丑。戶部尙書沈固致仕。

甲寅。前兵部尙書兼翰林院學士苗衷卒。衷字秉彝。定遠人。己丑進士。授編修。歷修撰。侍講。正統初。實錄成。進侍講學士。久之直閣。丁丑。遷兵部右侍郎。景泰初。進尙書。致仕。衷溫厚典重。文雅典實。獲保榮名。有由然矣。賜祭葬。贈少保。諡文康。

乙卯。翰林院學士呂原尙寶司少卿兼翰林修撰柯潛主禮闈。

戊午。重作鳳陽大龍興寺。正統五年火。

壬戌。夜。月掩太微垣上相星。

癸亥。石亨殯死刑部獄。法司請梟示。榜罪天下。上竟遷之。亨。渭南人。儀幹修偉。姪彪亦如之。嘗飲酒肆。相工見之曰。今太平。安得此兩侯哉。家世寬河衛指揮僉事。伯父嚴。世子亨得嗣。英果有膽氣。善騎射。提大刀飛舞。彪持斧挽強。每戰。亨先登。彪從之。亨累功都指揮。使彪以舍人授大同衛鎮撫。正統。亨進都督僉事。爲大同左參將。守萬全。彪亦遷都指揮。己巳。亨坐失援。同楊洪並獄也。先寇京城。赦出。使將兵。亨與彪出安定門擊虜。追至

城西卻之。又令彪誘至彰義大戰。虜潰。追及清風店。虜懼。且出倒馬關。亨使給曰。石將軍行未至。彼假其名耳。虜信而反戰。亨等復擊殺數百人。始知石將軍在也。盡棄羊馬輜重而遁。亨名震虜中。封武清伯。更進侯。兼太子太師。總京營兵。彪進都督僉事。爲大同左參將。諸子姪並陞千戶。當時于謙本兵。亨與楊洪爲將。皆朝廷所倚。及迎駕奪門。進封忠國公。召彪爲都督同知。充游擊將軍。家人石寧等十餘人。皆陞指揮千百戶。有差。文武競趨石氏。擅權納賂。嘗命工部爲治第。上登翔鳳樓。恭順侯吳瑾撫寧侯朱永侍。上指顧而問。永謝不知。瑾曰。必王府耳。上笑曰。非也。瑾曰。非王府孰敢然。上顧太監裴富曰。而聞之人乃不敢言石亨。自是上益疎石氏。以至于敗。

南大吉曰。亨雖不學。性亦直爽軒豁。而無機變之巧。當英皇北狩。羣胡進圍京城。四方震恐。中外戒嚴。大將元老束手無策。微亨則國家幾殆。然則亨此功雖謂再造社稷可也。使其後無迎駕奪門之事。則威權不赫。彪亦何恃而驕哉。夫何王文輩希圖富貴。頓起邪謀。遂至亨承內旨。率兵迎立功歸臣下。威震朝野。讒媚既作。媒孽亦隨。當是之時。謂亨恃寵驕恣則固有之。若曰大逆不軌。蓋亦莫須有耳。乃闔門就僇。以快仇隙之心。哀哉。

李贄曰。使石亨早沒于未奪門之前。豈不足稱武烈名臣哉。馬昂之本兵。有貞李賢之進閣。皆亨所薦也。何喬遠曰。石亨清風店之捷。李夢陽所爲賦。石將軍戰場歌者也。予讀而悲之。亨威名震主。不知挹損。以及于難。彪誅一時稱快。久之謂朝廷失驍將焉。

談遷曰。石亨非逆也。彼一介武夫。起隴畝。出入行間。提尺刃。冒百死。以取封侯。而又出太上于幽潛之中。日月並曜。若曰富貴由我。自非赤烏之上。詰黃綺之素心。能毋驕乎。學士大夫明詩書。踐禮道。寫階連組。猶淪其度。乃欲以回天浴日之烈。敦循墻飲露之風。亦自古所難也。此蓋裕陵失之于初耳。假復辟之後。早釋其

兵柄效宋藝祖之杯酒。或借鉞湖貴間。芟夷叛類。則殪附之輩。何至走死地如鶩哉。語云。嬰兒常病傷于飽。貴臣常病傷于寵。寵之甚。死亡乘之矣。雖然。奪其帶礪。稍優以渭南之餘田。世秩萬戶。庶于功過相劑。而竟籍滅之。俾無聞焉。則李文達所議奪門之非。不無溢罰矣。

甲子。改湖廣金沙洲船鈔收米賑饑。

乙丑。靈州千戶所土官國初人授田百畝。故不祿。止歲給布三匹。後歷進千百戶。停歲布。仍不祿。告困。上閱之。概予祿。

丙寅。復右僉都御史韓雍。

丁卯。殺定遠侯石彪。彪驍勇善戰。累功北邊。胡人俱畏之。

戊辰。應天府丞陳宜淮安知府丘陵爲雲南湖廣左右布政使。

辛未。雲南帶俸都指揮同知杜清削籍。安置金齒。誅石後。籍其家。

前國子監祭酒陳詢卒。詢字汝同。華亭人。□□進士。選館。負才氣。久不得選。同鄉學士沈度規以徇時。面斥之。

太宗聞而嘉其直。尋擢編修。歷修撰。侍讀。進侍講學士。坐累謫守安陸。正統己巳。拜大理少卿。巡撫畿內。景泰初。改太常少卿。兼侍講學士。尋改祭酒。善草書。言論慷慨。頗使酒妨業云。

癸酉。上幸南苑。

甲戌。夜。大星赤光。自軒轅流北河。

乙亥。遣太監王定。書迎襄王。瞻埜入朝。

丙子。左副都御史年富爲戶部尙書。雲南左布政使賈銓爲左副都御史。巡撫山東。廣西蠻賊陷信宜縣。

三月賊廟策貢士陳選等百五十六人于奉天殿。賜王一夔李永通鄭環等進士及第出身有差。

己卯。上幸南苑。

壬午。協贊廣西軍務監察御史吳禎平田州賊呂趙。斬之。

甲申。襄陽府同知李孟芳爲湖廣布政司右參議。提督秦嶽太和山事。

免開封去年田租十三萬八千七百三十餘石。

乙酉。大雨雪。

丙戌。進士劉健。張振。李溫。張謙。楊德。張頤。周經。王範。蔡霖。張溥。楊瑛。鄭紀。董璣。汪諧。張元禎。選翰林院庶吉士。以學士劉定之侍讀。學士錢溥。敎習王一夔等俱肄業。

辛卯。上幸仰山窪。

福建布政使石瑄爲南京吏部左侍郎。

戊戌。免蘇州去年田租四十三萬八百八十餘石。

己亥。鎮守湖貴太監阮讓。私閤東苗俘童千五百六十五人。死三百二十九人。復買足閤之。敕責讓。

癸卯。進士雷霖。屈祥。楊完。劉誠爲翰林檢討。侍德王。

丙午。武平侯陳友卒。友其先西域人。寓金樹。永繼中。以騎卒從征虜。捕獲忠勇王也先土千部。宣德初。授百戶。

復招降捕虜。進副千戶。正統初。屢招虜降。累陞都督同知。充左參將。征湖貴苗。克之。進後軍右都督。留鎮湖廣。

累勦銅鼓五開等苗。天順初。封伯。與虜戰。鎮番五十餘。捕獲千餘。進流侯。卒。子能嗣。伯爵。後贈沔國公。諡武僖。

四月。扈朔。戊申。凡三品以上子孫。求入監者不許。

己酉。太監羅永羅珪少監馮讓內使何能。閤辦浙江雲南福建四川銀課。

壬子。襄王贈來朝。

戊午。翰林院學士倪謙戍遼東。初。謙主試順天。門人章黼下第。銜之。甚。邏校言。謙使遼府。遼庶人貴嬪以母與謙妻皆武定侯郭氏。因。覬。謙。謀。復。爵。謙。還。庶人婿魏玉武縉謀復儀賓。謙草奏得之。庶人又酬謙。奏上下。謙。錦衣獄。遣戍。

庚申。朝鮮貢白雉。安南入貢。

交城王美烷妃曹氏妬悖。勒自盡。夜。月。暈。

乙丑。免松江蘇州去年旱災田租四十一萬三千七百十三石。

己巳。命藩府無子方許請繼室子。八歲方請名。女十五歲方請封。著爲令。

庚午。致書襄王曰。叔父來觀。晤間。屢聞嘉言。裨益良多。及。敍。親情。乃知世子妃病未有出。而庶長子已十歲。知向學。朕甚喜之。重闡之下。宜有令孫。茲特立見淑爲襄世孫。以遂叔父裕後之懷。

進士于欽爲吏部主事。

貴州賊王阿榜等作亂。副總兵都督僉事李貴等擊之。斬二百三十餘級。賊遁。命捕阿榜等。

壬申。致書襄王曰。叔父國家至親。雅有賢譽。宜享優遊之樂。每歲秋冬間。可出城遊賞三五次。或世子郡王從。亦可玩覽山川。獵取禽獸。暢懷怡情焉。

癸酉。夜。大星青白光。自河鼓流雲中。

甲戌。敕朝鮮國王李璘。爾殺毛憐衛都督邵卜兒哈。謂通謀煽亂。然殺鄰之人。宜其子阿比車忿然思報也。聞阿比車母尙在。宜送遼東。令阿比車完聚。庶可釋憾。

起復右副都御史林聰。

夜。大星青白光。自角宿流軒轅。二小星隨之。

乙亥。襄王辭。上送至午門外。握手泣別。王拜。上亦拜。王起行數步。顧且拜。上使中官掖之。王起行。且數顧。上數拜。上目送出端門。御製峴山漢水二賦及襄陽四時歌以榮之。

安南臣黎壽域起兵討黎淙。殺之。立濬弟灝。僭號光順。

五月。朔。朔。丁丑。召致仕戶部左侍郎張睿督理京儲。

鎮守寧夏都督僉事張義卒。

通事都督同知馬顯。都督僉事季鐸。道值襄王。不下騎。錮錦衣獄。

貢士萬經禮闈下第。許考官修撰劉宣以鄉人故見斥。命試之。謬甚。械禮部前。削籍。

壬午。免廣平杭州去年災租三十三萬三千餘石。

萬安人羅學淵上詩三百餘首。多淺俚。下獄錮之。

癸未。釐旱。

甲申。占城入貢。

丙戌。靖遠伯王驥卒。驥字尙德。東鹿人。永樂丙戌進士。授兵科給事中。進山西按察副使。洪熙初。拜順天尹。宣德二年。拜兵部右侍郎。歷尙書。討陝西虜阿台朵兒只伯有功。尋征麓川功封。景泰初。予世驥沈毅有方略。屢立功邊。徵年八十三。贈靖遠侯。諡忠毅。

王世貞曰。靖遠才而欲。武略則優。與濟楊善才而巧。武功徐有貞才而躁。其陰忤忍刻。皆有陰慝。然而靖遠差寬之矣。不然。以麓川之三役。塗炭幾天下半。而卒以長世也。武功之占候奇矣。其事再驗。一不驗。幾遂悞。

國世之所謂不祥人也耶。

戊子。大理寺左少卿廖莊服闋調南京。

庚寅。增蘇州通判長洲吳江常熟崑山嘉定吳縣主簿各一專理農稅水利。

彭城衛指揮使蔣謙忿石亨瘕死。嘗曰。遂杲陷之也。詭稱皇太后夢享訟冤。上聞之。戊謙鐵嶺衛。

乙未。南京前軍都督僉事王善卒。

丙申。都督同知翁信爲征西將軍總兵官鎮守寧夏。

己亥。故泰寧衛左都督革干帖木兒子脫脫李羅襲都督僉事。

太監阮忍請遣內使章肖往浙直織幣。不許。

癸卯夜。大星赤光。自襄宿流雲中。

六月朔朔丁未也。先不花奏求高麗布樂器藥品。命量予之。

丙辰。通州新倉成。曰大運南倉。

己未。免順天逃租二萬餘石。

庚申。夜。月食。

壬戌。南京後軍右都督杜忠卒。

癸亥。免常德去年災租百三十七萬餘石。

乙丑。保定伯孟俊卒。

戊辰。陳能嗣武平伯。陳友子。原流侯。故襲伯爵。

己巳。進士李綱張祚展毓吳遠方佑端宏韓祺監生李傑賈俊梁觀袁愷呂臻方漢荆綸馮徽唐震常振爲監。

察御史。

壬申。朝鮮國王李穡欲遣子弟入學。習文字漢語。敕止之。篇志經籍。自有餘師。漢音有譯人。無悞也。

甲戌。南京尙寶司丞夏瑄爲少卿。

七月朔。日食。

丁丑。山東道監察御史王越爲山東按察使。

金星犯右執法星。

戊寅。曹振綱。豐潤伯。曹義孫。

庚辰。徵天下逃匿三萬八千四百餘人。

壬午。徵寧府臨川玉簪輝及長子奠埜入京。以僧修厭呪。奠埜以聞。

癸未。故大理寺少卿古鑄既黨廢。鄉人訐其怨望不軌。械入京。杖釋。

甲申。後軍都督僉事王斌致仕。

安南使臣程稜等云。國王黎濬游湖溺死。且釋服。乞免弔從之。

夜。金星犯左執法星。

丙戌。金吾右衛指揮同知高文。受賊露。自經。命梟示。

丁亥。上足疾。不朝。累日。

戊子。夜。月犯牛宿。曉刻。火星犯天鐸星。

己丑。虜酋李來毛里孩阿羅出肯者伯顏。以萬五千人屯詭泥山。窺寧夏迤西。敕甘肅太監蒙泰等飭備。

辛卯。鳳陽府奏淮水橫潰。沒田廬亡算。命巡按御史中都留守司各遣官存恤。漸築治。

甲午。上朝罷。召李賢王勲馬昂。慰問良久。賜金及宴。  
進士黃緒陳鉞爲給事中。

廉州知府李遜。爲鎮守珠池內使。譚紀誣其縱盜。下錦衣獄。遜悉計紀罪。逮紀錮于獄。復遜官。  
湖廣當造紙。遣中官阮璽。王部言。楚饑。當更造于稔地上。皆罷之。

丙申。貴州清軍監蔡御史郭本上言。各鎮守總兵等官。多帶京衛官。罔利生事。宜悉徵回。上怒。下錦衣獄。因敕  
戒各布政司。并各清軍御史。謂不修本職。預他事也。誦本雲南永平主簿。

戊戌。夜。月犯天高星。

己亥。夜。大星青白光。自女宿流近濁。

辛丑。遣勘應天淮安鎮江揚廬蘇常池太平徐和杭州嘉興紹興金華處水災。青州桂林旱災。

癸卯。徐賢嗣與安伯。徐子。

工部右侍郎翁世資降衡州知府。上欲于蘇松浙西增織綵幣七千匹。工部請減。忤旨。謂事出世資。下獄戍之。  
工部左侍郎霍瑄督運太木。

八月。朔。免武昌漢陽襄陽德安常德黃荊辰水災田租。

遣勘順天真定保定廣平河間大名開封汝寧濟南登甘肅水旱。

夜。大星青白光燭地。自北斗杓流近濁。

辛亥。瓜哇國王都馬班入貢。

夜。大星青赤光。大如斗。聲如雷。自昴宿流近濁。

癸丑。後軍都督同知劉信卒。三河人。

甲寅。占城國王槃羅悅入貢。

乙卯。河南永寧軍金聲進白兔。僅給鈔足道費。

丙辰。宣府大同屢被寇。命撫寧伯朱永等巡邊。

夜。火星入鬼宿。

戊午。上諭戶部曰。四方奏報水旱。民多困苦。朕甚閔焉。其檄撫按覆視。災甚者租稅悉除。輕則量蠲之。賑其不給。

前通政司使李錫卒。咸寧人。貢士。授蒲州學正。超吏科給事中。歷禮科。通政司左參議。左通政。正統九年。進通政使。景泰中。加太子少保。躋年致仕。專詔近習致通顯。貪黷無厭。雖告老。久滯都下。卒。賜祭葬。

己未。安南世子黎淙入貢。

禁假校尉行事害人者。時錦衣衛指揮同知邊杲。數使校尉蔡事中外。下指揮使門達煨獄。于是鎮巡宴犒無虛使。雖親藩亦畏之。每一遣勘至。輒傾數巨室。在京占田攬稅。人莫敢誰何。多假稱校尉。乘傳需索矣。杲恐事敗。請都察院榜禁之。

壬戌。通政司左參議尹昺。禮科給事中王豫。封故安南國王黎麟庶長子淙爲安南國王。黎潛無子。

甲子。虜酋孛來犯大同。趙玉林衛。敕宣府總兵楊能援之。

蜀安慶池寧國廣德去年災。租七萬三千石有奇。

虜入涼州。掠官馬。

丙寅。復王槃河南按察使。初。槃入覲。邏校誣其受賂。下錦衣獄。果失實。襄王初入朝。河南父老遮王車訟冤。王入言。日從洛中來。洛父老無不言冤。王按察者。上領之。

丁卯。廣東韶州諸郡逃民萬計。命按察司分巡官撫之。  
己巳。光祿寺大烹內門火。

庚午。夜。天鳴。

辛未。遣監察御史錦衣衛官各二人。撫安畿內軍民。時訛傳寇至。競避也。

南京刑部尚書耿九疇卒。九疇字禹範。廬氏人。永樂甲辰進士。授禮科給事中。正統初。進兩淮鹽運司同知。盡釐宿弊。憂去。民留之。尋進鹽運使。戊辰。進刑部右侍郎。尋撫安鳳陽。奉敕巡撫江北。景泰初。錄囚。復鎮陝西。威望益著。邊將請益戍。臨洮諸衛議冗食。已之。又曰。今邊民皆春夏出田。秋冬移入塞。夫民春夏田而秋冬塞。何以邊將爲。請有民移者罪之。明年。轉右副都御史。止買羊角燈。寬耀州妖民反獄。天順初。召拜右都御史。屢言事。以曹石排下獄。降江西右布政。又陳汝言構之上。終思其清節。自四川左布政使進南京刑部尚書。上聞訃。歎惜之。賜祭葬。九疇性孝友。敦尚古道。奉身節儉。公退惟焚香讀書而已。交游不泛。請寄不至于門。雖權貴亦敬憚之。成化中。諡清惠。

袁褱曰。國賦大半資蘇松。而鹽課惟兩淮爲最。然官運司者多鑿汙。鮮克自樹。蓋士之自好者。恥爲此官。而司銓者至皆以錫冗耄昏者主之。亦不復敘遷。輒考斥而去。由是鹽法大蠹。奸弊百出。而商人皆不樂報中。竈丁且失。而國課日縮。殆不知所稅駕也。安得如耿公者。使久于其官。一掃清之邪。

癸酉。召副都御史白圭南京戶部左侍郎馬諒。

九月。朔。乙亥。夜。大星青白光。自宦者星流女宿。

丁丑。西苑凝和迎翠太素等殿。飛香擁翠。澄波歲寒。會景映輝等亭成。上臨幸。召文武大臣。遊賞竟日。  
戊寅。蜀河間今年夏麥萬八百九十石有奇。

己卯。徵鄭世子祁鑑。涇陽王祁銑。訓戒之。

庚辰。趙王祁鑑薨。年三十。諡曰悼。

揚州知府王恕爲江西布政使。

虜圍大同右衛。

辛巳。臨朐福山縣蝗災。

馬諒爲戶部左侍郎。

丙戌。命給事中王汝霖行人劉恕。封故占城國王摩訶槃羅悅弟槃羅茶全爲占城國王。

丁亥。夜。月犯壘壁障。

戊子。封友墳石泉王。友壻汶川王。豪準衡陽王。

己丑。夜。月犯外屏東星。

庚寅。撫寧伯朱永都督僉事白玉鮑政以七千騎巡宣府。

壬辰。湖貴總兵官都督李震等追妖賊李天保。敗之。斬三百七十五級。天保。麻城人。逋稅走苗中。糾衆僞稱唐。

王。改元武烈。屢攻城堡。然敗而未獲。

夜。月犯畢宿。

甲午。南京左都御史蕭維楨爲南京刑部尙書。

蠲南昌吉安廣信瑞饒去年災租四十一萬五千一百九十七石有奇。

乙未。鎮守浙江都督同知李信卒。

夜。月犯天樽星。

巡撫湖廣右副都御史白圭還爲兵部右侍郎。  
夜。月入鬼宿。

壬寅夜。大星青白光燭地。自壁宿流土司空。

是月。蠲香河深趙通六安肥鄉隆平桃源含山當塗蕪湖繁昌宣城泰興儀真全椒懷寧桐城潛山太湖宿松  
貴池上海華亭宜興嘉定秀水嘉善景陵武陵龍陽沅江公安宜城嘉魚京山監利南漳江陵鈞裕鄧磁太康  
襄城柘城鹿邑陽武新鄭舞陽魯山內鄉鎮平南陽新野泌陽安陽臨漳湯陰河內修武溫孟登封水災田租。  
十月。驟朔。庚戌。修徐王墓。

壬子夜。月犯壘壁陣星。

乙卯。王璫嗣靖遠伯。王驥子。

己未。錦衣衛帶俸都指揮僉事馬雲使撒馬兒罕至哈密。以亂加思蘭兵阻。召回。

甲子。上閱騎射西苑。賜總兵官會昌侯孫繼宗等。騎射官賜鈔有差。謂學士李賢彭時呂原尚書王翱馬昂曰。  
爲國重武。練武先騎射。皆頓首稱善。皆賜宴鈔。

戊辰。幸南苑。

庚午夜。熒惑犯太微垣上將星。

壬申夜。木水金星會氐宿。

十一月。醞朔。南京吏部左侍郎石瑄爲禮部尙書。禮部尙書蕭昉調南京。戶部右侍郎薛遠改工部。  
甲戌。虜三百餘騎入花馬池。總兵官楊信追之。僅獲馬二十七匹。召信還京。命右參將都督同知張欽暫領其  
衆。